



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTK 0023432 23

Sarajevo, 29.12.2025. godine

SUD BOSNE I HERCEGOVINE
- Sudija za prethodno saslušanje -

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine (ZKP BiH), **podizem**

OPTUŽNICU

Protiv:

VUKOSAV BAŠIĆ, zv. "Vule", rođen 1992. godine u Trebinju.

Zbog toga što je:

tokom mjeseca oktobra 2020. godine uputio molbu „(...)“, koji je kao službena osoba u institucijama BiH obavljao poslove policijskog službenika Granične policije BiH, da nestinito evidentira ulazak u Bosnu i Hercegovinu lica „(...)“, znajući da ovo lice neće ući u BiH i da će „(...)“ na ovaj način u službene evidencije Granične policije BiH unijeti neistinite podatke i počiniti krivično djelo krivotvorenje službene isprave, što je i htio, a „(...)“ zbog upućene molbe pristao da izvrši navedeno, da bi mu dana 05.11.2020. godine u Trebinju predao putnu ispravu Republike Sjeverne Makedonije koja je glasila na ime „(...)“, a „(...)“ istog dana oko 18,28 sati obavljajući poslove graničnih provjera na licima i vozilima na međunarodnom prijelazu Klobuk između Bosne i Hercegovine i Crne Gore ovu putnu postavio ispravu na elektronski čitač dokumenata Granične policije BiH, na koji način je u elektronsku službenu bazu podataka Granične policije BiH iz koje se štampaju službene isprave Granične policije BiH unio neistinite podatke o navodnom ulasku imenovanog lica u BiH i to kao saputnika u putničkom motornom vozilu registarskih oznaka ..., kojim je tog dana upravljao „(...)“, nakon čega je u navedenu putnu ispravu utisnuo i službeni pečat GP BiH broj ... Klobuk, a potom ovu putnu ispravu predao Bašić Vukosavu.

Čime je počinio, krivično djelo Krivotvorenje službene isprave iz člana 226. stav 1. KZ BiH, u vezi sa članom 30. istog Zakona (podstrekavanje).

TUŽILAC
TUŽILAŠTVA/TUŽITELJSTVA BiH